





18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43

吉492.60
864
部-14



469
862
:4





金石綜例卷四

小長蘆舊史官馮登府纂



銘詞二句爲一章

唐博陵瞿府君墓志

銘共十二章分其一其二兩句爲一章

銘詩五言

漢嚴訢碑

隸釋云漢人銘墓皆一律此文先書其所終歲月及壽考有嗟惜之詞踰百言始云伊歎嚴君諱訢字少通遂述其行事與費鳳兩碑略相似銘詩亦五言刻種諸奇樹一句又同豈亦卜君作乎

生時作誄銘亦曰敘

漢校官碑

金石錄卷四
一
此碑頌潘君生德之美為在位時所立故碑陰書丞尉等
名不稱故字兩漢金石記曰碑以前半敘事之文曰誄
以後半有韻之文曰敘亦變例也錢氏大昕以誄本為
哀死而作今縣民頌其長而稱誄失其義矣王氏昶證以
周禮太祝六詞皆為生人作詞無為死者之事謂誄之名
通於死生殆如考妣嬪可兼生稱也又引論語誄曰孔注
誄禱篇名說文引此作謫亦云纍功德以求福推之此碑
於義無嫌余按說文謫禱也誄謚也檀弓士之有誄曾子
問幼不諫長賤不諫貴皆謂累其功德以定謚論語作誄
本譌文當作謫字誄以定謚亦生後之義生而賜謚左氏
所譏且以吏人而誄長官亦昧於檀弓之說於義終未協
古人從質不拘耳

奏後附贊附銘 漢乙瑛碑

乙瑛碑敘奏而附以贊史晨碑敘奏而附以銘隸釋云此
碑有三式三公奏于天子一也朝廷下郡國二也郡國上
朝廷三也全氏祖望謂法史記三王世家為髯翁表忠觀
碑所祖又樊毅碑無極山碑皆前敘奏制後敘建置之由
漢人秦詔之文如此 樊毅碑全載奏牘而云上尚書蓋因
尚書以上朝廷也無極山碑亦云上

碑文中用韻 漢孔彪碑

碑文云仁必有勇可以託六授命如毛諾則不宿美之至
也莫不歸服又云無偏無黨遵王之素荐可黜否出口口

度又云爰尚桓桓枘馬獨周醜類已殫路不拾遺斯民以安皆用韻文法每段敘官爵後即系以贊語後系以銘亦

一體也

韓勅碑敘文張表碑亦多用韻王元賓碑冀州從事郭君碑叙文多四言用韻

碑不用韻語而題曰銘

漢聞熹長韓仁銘

碑文敘韓仁移下河南尹令牒未有如律令三字蓋漢人公移中語稱銘而實無韻詞此韓愈撰張法曹李楚金及乳母諸墓銘所祖又一例也有無碑詞單用韻語而稱墓誌者如江文通於孫恂韓退之於盧渾任彥升於劉夫人是也有散文韻語兼行而稱墓誌者如梁簡文於何徵君韓退之於孟貞曜柳子厚於襄陽趙丞是也有無散敘而稱誌銘者如王融於豫章王謝眺於海陵王沈約於長沙王是也通首用七言韻語而稱墓誌者如韓退之於夫人墓碑是也僅四句十六言不用韻而稱墓誌者如李禮之墓誌是也沿流溯源要皆各有師承而稍易其文法耳

銘詞三字兩叶足字

漢曹全碑

銘曰吏樂政民給足君高升極鼎足連叶足字以其異義已起後人重韻之本吳山夫謂古人有連用韻而并非異義者如詩雲漢三章曰周餘黎民靡有孑遺昊天上帝則不我遺兩遺字連焦仲卿妻詩此韻無行節舉動自專由吾意父懷忿汝豈得自由兩由字連押亦用韻一奇例也前人從未有論及者按武榮張壽祝睦諸碑銘詞亦三言先敘立碑之人頌後有詞

漢祝睦碑

金石錄卷四
碑首言故吏王堂等下有述上之功臣有敘君之德云云
次言代作頌曰頌中韻語散文夾行頌後系之以詞三言
用韻

頌詩三章

漢劉熊碑

碑云采摭言謠刊詩三章書作三列俱韻語

頌祠分章書

唐木澗魏夫人祠碑銘

碑末頌祠四章章十句每章末空三字以別之亦例之變

銘詞用韻不同

唐郃公家廟碑

銘八章每章五句上四句各自用韻下一句則合八章之
末句同一韻如第一章云郃之皇祖肇允號士逮于後昆
實守左輔徙華陰兮第三章云源長流光施于司倉涼州

兵部克熾而昌載德深兮下六章同

頌後有詩頌後有序

漢析里橋郃閣頌楊孟文石門頌

石門頌後有序曰六句用韻郃閣頌後有詩用兮字助聲

本騷體周憬功勳銘孔耽神祠碑全用七言騷體

題書銘而文稱頌題不著妻姓亦不著父兄子女之名

北魏司馬

景和妻墓志銘

翁氏方綱云銘以延昌三年正月辛酉葬而爲頌題稱銘
而文稱頌題不著其妻姓而文但云中散大天之幼女陳
郡府君之季妹亦不著其父兄之名皆金石例所未舉雖
漢碑有之然非正也又魏自有晉懷愍之世始封於代踰
九十年乃詔以國號爲魏此文猶以魏代爲稱則其不忌

本始之意亦可見矣按魏代並稱猶毀商荆楚嬴秦之例耳又誌稱五男三女而不著其名古人之從簡也

以書丹爲下丹

唐文王廟新門記

碑云裴平下丹篆額又額刻畫有二龍捧珠亦後世雙龍所由昉

就石書

宋南高峰大佛字款

款云錢唐景明就石書阮氏元云卽書丹也

奉命書

宋華岳廟題名

文云男開奉命書

書丹

漢石經

熹平石經蔡邕以八分書丹書丹二字始見此

製文

唐道因法師碑

碑首云隴西李儼字仲思製文王氏昶曰與土官靈芝之製王居士塽塔銘同例

作此文

唐蓋文達碑

碑首題于志寧字處謚作此文王氏昶曰撰人兼書字并不曰撰而曰作此文又一例也余按孔穎達碑云于志寧字仲謚撰仲謚舊唐書不著其字新書傳及宰相世系表皆云仲謚當以仲謚爲是漢李翕郾閣頌題名云漢德爲此頌仇紉子長書此頌又北魏陸希道銘側題陳郡袁翻字景翔制銘此碑之所由昉也

兼序

唐于公墓志

首行小字云兼序他碑多作并序此亦僅見

撰文曰製唐皇甫誕碑

此碑書于志寧製與李百藥製虞恭公碑同例

碑用陽文

水經注云鄴縣西門豹碑隱起為字蓋陽文也

碑額用陽文北魏始平公造像記

額題始平公像一區用棋子格陽文凸起石刻所少末書

太和廿二年九月十四日訖朱義章書孟達文唐碑亦多

用陽文題額

書立碑年月姓氏例

柳敏碑云其二年十月甲子為君立碑傳于萬基祝睦碑

云於是三年禮闈相與刊勒金石之類此書立碑年月例

也逢童碑於是門生東武孫理下密王升等共刊石劉寬

後碑門生殷苞等共所興立之類此書立碑之姓氏也邠

令景君碑諸生服義百有餘人迺刊此石元賓碑於是族

舊門人莫不傷瘁立銘薛君碑吏民其咨咨君之德乃建

碑石之類皆書立碑之意其姓氏爵里書于碑陰

迺為銘粵唐房彥昭碑

碑以粵為曰金石文字記曰古曰字與日同一書法故變

其文為粵欲讀者之易曉也吳氏楷曰粵曰雖皆語詞而

用各有當惟尚書粵各借用曰此外皆無有借粵為曰亦

書碑者好奇之過又後魏武定八年太公呂望碑其詞曰

亦作粵

尅為碑板

唐丁思禮監心經碑記

碑云尅為碑板永口不息尅通克字與刻同聲之字王氏昶曰碑板之稱始見於此又唐馮府君墓誌銘云尅石紀事

建此豐碑

唐二元定公碑

末題大唐麟德元年四月八日建此豐碑亦誌中所無

墓志銘

唐劉崱墓志

首行墓作慕字之假

書造碑人例

有書年月日者如譙敏碑中平四年七月廿八日癸卯造

趙君碑初平元年十二月廿八日立之類是也有不書日

者如靈臺碑建寧五年五月造之類是也有書年月日并

書某人造者如無極山碑光和四年十月十三日□石師

□□□造熊君碑建安廿一年口月丙寅朔一日丙寅大

歲丙申碑師春陵程福造之類是也有不書年月及年月

在前僅書某人造者如武氏石闕石工孟李季弟卯造白

石神君師王明孔耽碑治師同縣朱適朱祖并作畜部郟

閣頌時石師南缺威明周愷碑陰工師南陽宛王遷字子

疆則并其里居字書之有書書碑并造者如王君治石路

碑弟子楊子欽奉為作缺定遠缺造樊敏碑建安十年三

月上旬造石工劉成息燥書之類是也此皆漢例之最古

者

碑陰書德行好學

漢劉熊碑

隸釋云碑於處士之后有好學四十餘人必泮宮之後進以處士為丈人行者德行一人必是嘗貢孝祭廉者

碑中字體之異

唐

部將軍功德記

此碑前題郭謙光文及書獨用篆字以隸書碑與他碑異碑額書某先生

漢婁壽碑

額題元儒婁先生碑元儒是私謚稱先生尊之也鄣輔碑亦書先生隸釋云猶陳實之文範法真之元德也又蜀任君碑陰亦稱先生洪氏謂為元儒先生之類按古人只稱先漢梅福傳曰叔孫先非不忠也師古注先猶言先生又

鄧先好奇計及張談先之類

市石察書刻者

漢華山碑

碑文京兆尹勅監都水掾霸陵杜遷市石遣書佐新豐郭香察書刻者潁川邯鄲公脩蘇張工缺市石造碑者察書察其書也刻者刻石者孔耽碑之治師武梁碑之良匠白石神君碑之石師靈臺碑之工師熊君碑之碑師皆刻者也

碑書工徒

漢太學碑

文云永建六年九月詔書修太學刻石記年用作工徒十一萬二千人陽嘉九年八月作畢

碑刻石匠木匠姓名

宋天禧華岳廟題名云司石匠作頭張口事材場大木匠口與宋政和修街磚後列泥水都料邵宗仁來宗義等金重修漢太師公墓記後列石匠埶匠姓名

書人畫人佛匠

唐三教道場文

碑首題朝請郎行成都府廣都縣丞李志泰述書人樂安郡口惟謙末題都料丈六彌勒佛匠雍慈敬亦異於他碑畫人見唐漳州陀羅尼經幢唐經幢多有之

書工畢

唐漁陽郡君塔

云大唐顯慶四年夏六月十四日功畢

雕塋功訖

周淮南公杜君墓志

末云大唐儀鳳二年歲次丁丑五月壬戌朔七日戊辰雕

塋功訖亦例也

入京兆學

宋游師雄墓誌

碑云年十五入京兆學入學二字始此碑

看題

唐李克用題名

題云克用記王處存看題二字亦後人所由昉

從行侍行偕行

唐華岳廟題名宋重修北岳廟記澹山岩詩

華岳題名云震口口口客從行又一題名云男右千牛棠從行北岳廟記題名有男韶美侍行澹山岩詩刻題伊維吳千能賦水調刻諸石弟千兒子奕侍客蔣涇曹昌佑偕行又元豐華岳廟題名云男知章侍次皆後人所本

大尙書

漢劉寬碑陰

碑有大尚書張祗祝睦碑亦云拜大尚書隸釋云以其長於諸曹故加大以別之

家門生

漢逢童碑陰

碑有右家門生字逢童之門生也

門童議民賤民

漢孔宙碑

碑陰有門童洪氏曰親受業曰弟子以久次相傳授曰門生未冠曰門童惣而稱之曰門生舊所治官府其掾屬曰故吏占藉曰故民非吏非民曰處士素非所莅曰義士義民亦稱議民賤民

民女亦稱妃

北齊孟阿妃造像記

孟阿妃亦民間女而稱兄古人無忌諱如此又後周觀世音造像有女妃孃妻淳于妃之文魏書有河陰縣民張智壽妹容妃亦民女而稱妃者

法眷

唐京北府重修清涼建福禪院記

末書同學法眷卽所謂師兄弟也

尼稱和尚

唐北邱尼惠源誌銘

碑云大唐濟度寺故大德北邱尼惠源和尚上神空誌銘又翟灝通俗編引廣異記大曆時某寺尼令婢買餅人問汝和尚好否亦尼稱和上之一証

後學

唐朝陽岩銘

末題零邑後學田口書石王氏昶曰後學之稱始見於此
太先生 唐元結碑

碑云及終門人私謚曰太先生王氏昶曰謚法無太字太與泰同說文大也通也私謚殆取義於此

宗兄先生

唐元結碑

碑云結始知書乃受學於宗兄先生德秀宗兄之稱始此

先靈

漢王稚子石闕

碑云漢故先靈侍御史河內縣令王君稚子闕隸釋云先靈之稱他碑所無

王母乳母

周史伯碩父鼎

銘有王母乳母之文吳侃叔曰王母謂適母乳母謂生母內則所謂食母喪服所謂乳母是選於傳御之中者不得與皇考王母並著尊彝其為生母無疑說文曰生子曰乳廣疋曰乳生也是乳義為生也

皇女

周龔叔壺銘

銘有皇考龔叔皇女龔故之文金石存謂皇女者疑即皇母之省

稱大父曰耶耶大母曰娘娘

宋永清縣石幢

幢云亾耶耶王安娘娘劉氏亾父文清母梁氏錢氏大昕曰稱大父曰耶耶北人猶有此稱大母曰娘娘則未之聞也又永清縣南信安鎮龍泉寺有金大寧三年碑其文亦有王孝子耶耶之文當亦謂其大父耳

皇考

宋瀧岡阡表

唐宋人碑誌稱其父曰皇考李翱述其大父題曰皇祖實

錄此尤無忌諱宋徽宗時始禁之南渡後無復此稱

故公姑公 周邦敦遲簋

銘曰邦季故公猶先公也遲簋又言姑公姑故也亦猶故

公也

孝弟救淚拜書 宋趙崇雋壙誌

末題孝弟通直郎新知湖州烏程縣主管勸農營田公事

賜緋魚袋崇修救淚拜書

子偁穆 商穆父丁鼎

右銘穆作父丁寶尊彝吳侃叔曰穆非人名公羊傳注子

曰穆穆取其北面向敬也則穆作父丁即子作父丁也

大碑主大橋主發心主大施主大像主 唐小石槁碑

碑後書大碑主大橋主發心主大施主大像主皆各系姓

名猶沿北魏造像之例

天宮主登明主鐘主象主邑謂後 周王妙暉等造像記

記稱天宮主二鐘主一登明主四象主一邑謂三皆覩見

北齊七級浮圖記又有西面浮圖主東面浮圖主等稱北

齊聖母寺四面象碑又有南面上堪象主南面中堪象主

左菡齊主右菡齊主等稱亦一時習俗如此

道民 北齊馬天祥等造像記

碑書道民某某者四按晉有劉道民即此類與

香火 北齊合邑諸人造佛堪銘

碑書香火李英雄孫子璨後人香火之名始此

金石錄卷四
廟令 唐華岳廟題名

文云廟令張從本題又宋慶厯題名云廟令榮殆廟祝之類

北面象主邑老管舍都開光明主 北齊董洪達造像銘

碑書邑老管舍王某一都開光明主四北面像主八皆規

見也

化主 西魏魏氏造像碑

首書化主某蓋卽教化主之例

發心主 西魏李早生等造像題銘

碑書發心主二蓋發心爲功德也 唐高乾式造像稱心主與此同義

教化主 東魏王元畧造須彌塔記

記書教化主亦猶大義主功德主之類

民望都民望隊主沙門統沙門都道人營福都維那長兼都

維那黨司五官焦弁長桂 同上

碑陰云民望都民望皆邑之有民望者隊主卽隊主軍職

也沙門統沙門都道人營福都維那長兼都維那皆僧稱

也黨司五官焦弁長桂義不可曉東魏義橋石象記碑陰

有上豪天宮主郡功曹防郡功曹白衣左右都盟主等名

當□意造亦習尙如此

邑胥邑政但官 北魏袁□等五十人造像記

碑陰書邑胥邑政但官等名王氏昶云胥疑卽胥政疑卽

正但官殆邑苻紳之屬

唯那邑子 北魏孫秋生等造像記

碑記新城縣功曹孫秋生等二百人造像之事碑中所書姓名上皆稱唯那惟孫道務一人稱邑子所造係佛像而額題邑子像皆不可曉維那華言典坐也

義主大義主 北魏賈伯思碑

王氏昶曰碑未有義主又有大義主魯郡太守張猛龍碑有義主而無大義主翁氏方綱云斂資刊石出資者率稱曰主如造像稱像主刊經主勸緣併功德主此義主蓋施財之主也 漢蜀郡造橋碑又有義工義徒蓋工作施助者顧亭林云宋太宗朝避御名凡義字改為信然信士義主已見於六朝

邑師邑主邑正邑老茨明主 北魏趙阿觀等造像記

記後書姓氏有邑師邑主邑老邑正等稱邑之出貲立碑者也又有茨明主都維那並佛家之稱與孫秋生造像略異

清信士弟子 北魏劉洛真造像記

記稱清信士弟子某猶今稱信士信官也北魏造像類如此

手下弟子 唐比丘尼正言疏

此碑與勅內庄宅使牒為一稱手下弟子李目遷即前書俗弟子之人蓋俗子而皈依佛法者也

閣主殿主塔主寺主懺悔師鈔主懺悔王 遼憫忠寺石函題名

題名有閣主殿主東西塔主寺主懺悔師鈔主懺悔主等

金石錄卷四
名皆沼六朝之例

內弟姨弟 唐殷府君夫人碑

碑書姓名內有內弟姨弟之稱

典坐直歲 唐重修大像寺記

記書典坐某直歲某典坐蓋主教直歲卽今所謂值年

家生子 唐代國長公主碑

文云司農小兒家生者不在此限

表來孫 唐新羅國石南山國師碑

碑云國師諱讓元聖王之表來孫憲康王之叔弟舅此稱

亦叔見

前進士 唐升仙廟興功記

碑書前進士鄭珏書其下注云光化三年添前字日知錄

曰唐人未第稱進士已及第則稱前進士

座主 唐華岳廟題名

文云同送座主尙書赴滑臺至潼關座主二字始見此

府幕季邑 宋譚粹題名

文云府幕譚粹蓋都督府之幕職又云季邑簿李種卽下

邑也

門下士 唐楊從義墓誌

碑稱門下士蓋幕中客也

舉吏 漢張元碑

隸釋云漢碑稱舉將者有二高彪碑稱潁川太守文君爲

舉將三公山碑元氏尉樊子義稱常山相馮君為舉將其
自稱舉吏者獨於此碑見之

神漢 漢周憬功勳銘

額題云神漢桂陽太守集古錄曰神漢猶唐人之聖唐公
余蓋當時已為此語劉衡碑及桐栢廟碑稱聖漢

同學俗弟子 唐勅內住宅使牒文

文云不忤同學王氏昶曰即干字稱同師出家者為同學
俗家為俗弟子

巨唐 唐大岷山碑

碑首云巨唐興元末下詔徵天下兵將大有事於淮西巨
唐即大唐也

鉅宋 宋重新緱山仙祠題記

題有鉅宋宣和庚子歲重陽記鉅宋即巨宋之例

皇字高出一字 漢韓勅碑

前碑皇戲後碑皇漢俱高出一字又曹騰碑皇太后先帝
華山碑高祖太宗孝武等字並高出一字魏上尊號及受
禪表先皇陛下皇帝等字俱平闕謁者景君碑皇帝賻三
字特出誌文之上

大宋國 宋休寧寺鍾款

末書大宋國

頭子錢 唐勅修文宣廟牒

牒云摧破處量破倉庫頭子錢修葺王氏昶曰頭子錢乃

于民以充公用也

臣下泛用欽惟 宋漢中新修堰記

記云欽惟我公宋時臣下得泛用欽惟

風調雨順國泰民安 金圓覺禪寺鍾欵

鍾欵有此八字今殿宇上必有此八字即本此蓋始於六

朝

孝也 唐代國長公主碑

凡書碑之例葬某處禮也此碑則云陪葬橋陵孝也

律也 唐尼法願墓誌

碑例於葬于某處下云禮也此碑云乃以其年十月十七

日營空于少陵原之側儉以從事律也亦文法之創

四六文雜用七言句 唐劉遵禮墓誌

碑紗末云生也有涯前距百齡纔及半死如可作後游九

原當與歸以七言句入駢體文猶照六朝之體

敬寫 唐進法師塔銘

沙門智祥敬寫

碑文有脫字 唐橋亭記

碑中人獲壹錢脫人字 旁注又鄉老重書老字古人書碑

不拘如此

碑文旁注音切 唐杜順和尚行記碑

碑云擲于急流中而復見二字 旁注胡甸反又孔紆墓誌

銘出將旁注去聲

書臣字小字旁注 宋王公議碑誌

碑書臣字並小字旁注始見此碑

之字倒用

黃本驥曰折夫人墓誌去遷窆于龍首原之禮也三字似衍以余所見義興周夫人誌云以茲吉辰赴社城東郊之禮也王訓誌云遷厝萬年縣澧川鄉澧川原之禮也雲麾將軍張安生誌云別兆葬于龍首原之禮也豫州刺史杜君誌云合葬于龍山某原某里之禮也金石萃編疑其倒互當作某里之原禮也合諸誌觀之斷無皆倒之理自是當時有此文法

書子以也字助聲 唐潘智墓志

志云有子五人順也運也訓也慎也俊也

上澣 宋慈恩寺塔題名

題有元祐三年八月上澣題錢氏大昕云漢自公卿以下五日一休沐唐時十日一休沐亦謂之休澣宋時百官旬假循唐故事故有上澣中澣下澣据周益公曰逾中澣日近中休之旬謂每月之二十日為中澣日上澣必月之十日矣一旬之中止于澣日今以上澣中澣下澣當上旬中旬下旬既失其義又休澣惟官人乃可用之不當通於士庶矣

旦 宋四十二章經碑

末題武翊紹興己卯十一月旦不系日而書只字此近世

穀旦吉旦之租

修切善狀 唐鄭楚相德政碑

末云左司郎中宇文邈修切善狀他德政碑所無

惟兮 漢縣三老楊信碑

碑有惟兮即嗚呼之詞張偉伯墓中石文亦用之

助緣鹽醋 唐卧龍寺幢

幢末有某人助緣鹽醋助緣口食是建幢時布施之食物

他碑所無

公館 唐殷府君夫人碑

碑云卒於某尉之公館

直錢萬一千 漢延熹銅壺銘

銘云延光四年銅二百斤直錢萬二千按古彝多稱重若

千斤容若干未有書直錢者此例之創者

廿五石 漢修官二鍤盆銘二

銘云廿五石廿年修官作其一云廿五石隸續云古人作器必銘誌其輕重大小亦謹權量之一事乃兩盆皆有廿

五石字乃龠合升斗石之石非銖兩斤鈞石之石也


用貝十朋又三朋 周庚姬奭

江德量曰此銘記用具此碑陰記出錢之祖

比二 漢耿氏燈銘

銘云延光四年二月耿氏作燈比二張哀造比二者言如

此者有二古一器非一有云第一第二者此言比二亦創



例

金石錄

卷四

